

平樂府志卷二十九

武備部

四

界隘

平樂縣令鄭圭紀畧曰平樂彈丸小邑設附郡郭水連三江陸通省會蓋衝疲之邑也治二廂四里富賀在其東荔昭在其南湯朔在其西恭城在其北內守城池則有守禦所官軍及鳳凰營兵外防疆圉則有定標二營官兵各分四哨環繞護衛東隅曰東鄉樂山二里民獠雜居東鄉有大冲荆竹源達恭城站面乃獠夷險地設有榕津巡司與團山等一十五堡棋布防守樂山里有石狗貴冲龍

平樂府志

卷二十九

界隘

一

門江葛家糯崗諸獠出沒之區近設崗木危堡槌木又設麗壁市土巡檢司耕守南曰下廂毘連荔浦鷄冠堡及府江昭平縣界江之東岸有廣運足灘諸堡則梧昭孔道江之西岸有龍頭磯桐亮大定諸營則接永安州境兩岸之中萬山聯絡密林深箐獠人出沒之地設各營官兵羅列巡哨防守控制西曰上廂則江口季魚二堡距陽朔界僅三十里係省會孔道北曰津平里近設山鷄峽一堡以定昭營前哨官兼督防守爲恭城界若夫江道上至陽朔白面下至昭平甌灘則有水哨柳兵哨船平樂所軍船與廣連哨戍軍墨斗哨船輪班巡

緝卽輶軒絡繹亦藉以先驅爲疆場之導蓋府江
三百里兩岸荒山大江絕無人烟所賴星羅棋布
惟是哨堡之兵不獨防猺而且防盜不獨司擷而
且司郵前賢慮之深處之當矣其如邊陲宴安因
循日久兵隋而驕官貪而厲是在時簡練而變置
之未可因噎而廢食也

居蒼梧始安之間與清湘九疑犬牙相入

昭潭志序俗

謂靜江灘川合樂川以至梧灘瀧三百六十至昭
而中分

平樂境內猺獞十居七八自濱江至昭平峽岸置
堡數百里聯綴以銷奸徒出沒之患北陀故稱夷

窟今盡覆其巢剗城屯兵而勢江諸源猶然窺竊
今於平樂縣地曰田冲者爲西岸要害置裨將營
劄焉永修荔自殄韋蠻增兵分戍民將帖席然此
兵名備三邑實鎮荔浦永安在深谷中猺獞順軌
因亦無虞而修之梁羅二族生齒繁夥漢民僅二
三戶良獞類漢者僅九十戶荔鎮旣遠尾大能無
隱憂頃雖設有堡守而形單力薄未足以濟况南
界柳象常苦讐殺勢不得不增兵增兵卽益餉而
郡實窶人餉將焉出舊取給於梧又取給東粵茲
中使權酷梧與東粵恐無望矣以兵之不得不增
而苦於餉之無所從益故昭郡今雖堂處而十年

之後事未可知曲思逆計誠所蒿目而不能寐者

明楊芳平府圖記

府屏蔽湖湘襟喉嶺表而府江環帶自桂入梧數
百里間溪峒林樾所在多有獠人盤據其中一或
不靖禍生肘腋矣嘉靖以後芟夷而蕝崇之刊山
通道展為周行重江上下可以帖然其境壤遼闊
山田仰泉不甚作苦魚鹽粗給稱小康焉舊志云
自靜江至梧灘瀧三百六十所至昭而中分自昭
上至靜險惡尙少自昭下至梧則兩岸懸崖中多
碎石灘水湍急郡蓋府江之門戶而桂梧之腰膂
也

方輿紀要

平樂府志

卷二十九

界隘

三

環以縈密諸山匯以灘樂二水勝概天出領表要

領

金志

平樂縣

樂川清瀉於前仙嶺高擁於後江山氣象變化無

窮

宋鄒浩清華閣記

南關在城外東南昭潭岡下

郝志

北關在城北鎮夷門外

李志

上關在府城西門外

下關在南門外匯塘灣東山寺前

李志

鎖為浮橋乃榷稅之所

府志

龍頭磯關在城東三十里龍頭磯

金志

水滸營在縣東一百八十里明時築城設土巡司防禦南村義水仙家西水魚狗宄峒糯峒葛峒石峒金井橫溪東岸峩峒高寨盧家粟峒諸堡獠獞馬騶隘一名馬鹿巷在城東南五里往粵東陸路要扼時有獠獞抄掠患戒飭嚴守志金四十里山在府東北龍平巡司南十里周四十餘里故名爲富賀往來要路設三堡戍守方輿紀要開建寨在縣東南宋潘美討南漢進次昭州破開建寨卽此志一統白田寨在縣東南宋皇祐中張忠邀擊儂智高於白田卽此

廣運堡縣東南六十里府江東岸卽舊廣運驛明宏治中築城

足灘堡縣東南九十里灘江東岸志一統明正德二

年置城於此有門三尋圯萬歷三十年復修築

團山堡府東十五里其地有團山因名方輿紀要

鷄冠堡府西三十里自堡西二十里至延溪江濱

有下峒城又二十五里卽荔浦縣也又甌灘堡在

府東一百三十里與昭平縣分界

石梯危縣東北四十五里津平東鄉界石級百步

而上雙峯插天志府

佛子危縣西北十里桂林陸路之要扼

鰲頭堡縣東南七十五里接昭平縣界

大猺衝在府江西岸西至荔浦縣四十里為分界

處猺獞恒出沒於此因名設兵戍守又田冲砦亦

在府江西岸為要害處萬歷中置戍守方輿紀要

水源寨 福山寨

狗頭寨 龍陽寨

駱家寨 牌山寨

松山脚寨 雷公寨

馬田寨 四山寨

福村寨 關 危

漓水關見水經注 羊眼寨在羊眼街

平樂府志 卷二十九 界隘 五

高州牛 危 石梯危

梅子危城東北三十里 桐木危在城北

高 危 平 危

上 危在城上 下 危在巖上

琵琶危城東四折十里 其巔曰琵琶危崇隆

恭城縣

虎口關縣西十里接平樂縣界金志 明末曹志建據

縣所立一統志

栗木關縣北一百里楚粵往來閒道李志

龍虎關縣東北七十里九域志恭城有荆砦松門

永安三鎮舊志今龍虎關即荆砦鎮也關南屬恭

城北屬湖南永明縣志一統

鎮峽寨縣北六十里與湖南永明縣接界倚山臨

江實為險要明萬歷初置巡司今因之又舊有白

面寨巡司西嶺寨巡司今裁

站面砦在縣東南其北為淘江砦縣志勢江源在

縣東與站面淘江相匹舊設勢江土司志一統又縣

東北有黃泥清水亦口毛塘等衝皆距縣百里人

跡罕至為逋逃淵藪方輿紀要

鳳凰堡縣東六十里有屯兵防守志一統

永鎮堡縣北八十里即宋之永安鎮

馬騮源縣東北八十里連永明界地僻山高康熙

平樂府志

卷二十九 界隘

六

初士民捐田招人耕守府志

蔴栊壘縣東北七十里通富川永明由石盆猺進

路深山大林極為險要

二水源縣東北八十里崇山鳥道通永明鳥蘭堡

康熙四十三年知縣張載齡捐田招兵耕守

庄子埠密邇西顧南顧均可無憂

西嶺寨

二九源東北八十里崇山鳥道通永明鳥團壘亦

通馬騮源康熙四十三年舉人常貞生員周豐知

縣張載齡教諭封安邦訓導蘇一經城守郭雄巡

檢章憲文措置田一百畝招集土兵十人耕守即

今之水源堡也

燕子山縣東七十里通富川由唐黃猺進路層巒
疊嶂附近九板橋汛

西北四猺村切近臨桂

正北平源猺咫尺灌陽崇順司二處雖爲猺獞窟
宅猶可按籍而理

東南高山大嶺與平樂羊石澗交界

正東東北崇岡複嶺撐入天半諸猺聯絡穴於其
中又鄰於富川永明諸崗寨鳥道崎嶇深林密箐
不可究詰往者征勦站面至勤五將軍之兵昔之
曹志建據虎口關黃天貴負嵎叢木寨桑土綢繆

平樂府志

卷二十九

界隘

七

可不加之意乎

富川縣

左控萌渚右鎮西屏山挺鳳凰天馬之秀水湧龍
泉掩月之奇峯峻瀾清迴環映帶鍾靈誕粹固共
所耳惟是南幹至此北旋富壤切處右翼谿盤山
踞路徑多岐小水固西北之金湯象鼻汛卽白沙爲
東南之鎖鑰白霞乃西出門戶鐘山爲兩廣要衝
舊屬廣南東路不隸楚而隸粵良有以也縣志

三輦隘在七都猺地金志此汛與湖南江華縣黃連

山穿巖交界距牛巖汛三十里縣志

牛巖隘在縣東民猺雜居與湖南江華縣山界相

連設兵防汛

雍正八年麥嶺添設專營分兵汛守並小水各隘

省志

小水峽隘接湖南永明縣白象汛界距麥嶺營五

十里汛兵三十名

縣志

東廂堡在縣東明築十七堡後並廢

國朝康熙十一年以黃沙嶺柳木營仙姑塘巖口平

石源牛巖四處與湖南接壤設兵防汛

一統志

白霞寨縣西南一百五十里有巡司司前有白霞

渡又舊有寨下巡司在縣西北秀峯村今裁

鐘山鎮縣西南鐘山下卽古縣治縣徙後因置鎮

平樂府志

卷二十九 界隘

八

有土城周不及二里門二舊移邊蓬巡司於此今

廢

一統志

鐘山鎮撥兵十名巡守

縣志

賀縣

通志曰潢池盜弄所在皆有但能得其道以弭之

則盜息而民安耳廣右崇山深谷綠林之聚嘯恒

聞然在本境之內可以討鋤消滅若平梧屬之富

川縣賀縣懷集地隣東粵頻遭連山連州之八排

獠人劫掠兵進勦則輒竄鄰封官兵甫退則復留

剽掠康熙二十一年被害者屢控於督撫蒙着三

邑文武會同踏勦時值江華縣招出賊百餘名諸

文武遂謂賊去可以解兵懲前必須善後請詳於

連山復立上帥拋石黃連龍水四營於懷集立下帥馬練水二營於賀縣立沙水桶一營夫此數營者正在排猺隘口誠塞源止流守隘保疆之上策也但賀縣地方遼曠原有龍脊草水蓮花各營俱屬要隘守土者力行嚴飭俾碁布之營壘永固則平梧半壁民皆在衽席

里松崗在縣東北其地有錫礦七處萬歷初以稅使開采聚徒甚富尋復封閉附崗豪強私擅其利時有攘奪之釁今置里松土巡司方輿紀要今裁

石牛營縣西南百里明萬歷八年築土城置兵防

守一統志

大甯寨縣東北桂嶺營西南明置巡司又沙田寨巡司在縣北晏城鄉後遷於縣西點燈寨俱萬歷八年裁又有白花崗口土巡司久廢

大會墟距縣一百五十里接廣東之連山湖南之江華縣界與大寧寨近五方雜處乾隆三十三年設會甯巡司彈壓東界連山有礦徒西界昭平東南至懷集東北界江華有上五堡猺南界開建東至連山北界富川西南界蒼梧西北界昭平

賀縣故賀州也界柳道連邵數州間爲西粵衝要宋潘美伐南漢則拔賀州岳武穆破羣盜亦從事

賀州其地據嶺環江犬牙盤錯實關隘之所

方輿紀要

大橋關在東門外縣榷稅處卽溪橋李志

蕉木隘卽蕉木山東接廣東開建連山西屬縣界

信都鎮縣南一百里卽古南鄉鎮宋潘美圍賀州

南漢將伍彥柔趨援美伏兵南鄉岸擒彥柔卽此

舊有巡司今因之一統志開寶四年省封陽縣八臨

賀郡爲信都鄉

桂嶺營在縣東北明萬歷間於桂嶺適中要地建

立大營設守備駐守分防一十三營今於桂嶺賴

村停歇龍水大泖黃崗牛瑞石牛等八營撥兵防

守餘廢一統志

修仁縣

平樂府志 卷二十九 界隘 十

南隘關縣西南四十里亦曰南隘口卽古南隘鎮

內分十排東界石墻堡南北界雒容象州永福皆

獠獞所居一統志修仁縣有南隘鎮九域志

石墻堡縣西三十里明萬歷間勦平獞盜因立石

墻於隘口爲提調司

國朝設把總防汛一統志自邑而西三十里爲石墻乃

由境入縣之要路府志

莫廖堡縣西一百里里道記莫廖西三十里卽雒

容縣之高天堡方輿紀要

荔浦縣

鎮鄣關縣北三十五里兩山夾道如鎮鄣故名今

江口塘汎是其故址李志

荔浦有荔平關漢志書地荔浦縣南有荔平關今廢

縣志馮乘縣有荔平關唐志書地濡水流入於荔浦縣

注於灘水之上有關水經注

華蓋營縣東五里為獠獞出沒之所舊設把總防

汎經畧志縣南接府江西通修仁西北連永福之黃

磊北達陽朔之金寶頂皆稱阻隘而東面尤險華

蓋營鎮厭諸巢為重地一統志

峯門砦縣東南二十五里又南源砦縣西北三十

五里皆有城明萬歷中築設土司戍守後移峯門

司於中崗南源司於下崗今並裁一統志南源寨縣

平樂府志

卷二十九 界隘

十一

北六十里後改為南頭寨復為南源堡募隘口鄉

勇守禦府志

上中崗砦縣東南十五里又東有下峒砦舊曰朦

朧三崗皆諸蠻所據明隆慶六年巡撫郭應聘討

平之設土可世守萬歷十年又移下崗司於延賓

江在縣東三十里一統志久廢

永甯鎮即永甯廢縣在縣西北五十里一統志熙甯

四年廢永甯縣為鎮入荔浦宋史地理志荔浦縣有永

甯鎮九域志

王獠堡在縣西北迤東又有夾版都鳳紅頭以墩

板幹朝天共七堡皆

國朝所立撥兵戍守綿亘一百二十里山川崎嶇道路迂曲志一統南源夾版朝天各隘在縣之北鄉山嶺險惡獐陸鄧周三姓嘗讐殺滋亂康熙四十二年知縣馮千英立堡招狼兵鄉勇防禦今設外委一員駐防志府

朝天隘

馬頭隘

南源隘

以墩隘

板幹隘

蒲竹隘

夾版隘

安寨堡

南隘悉皆蠻獐傍山恃險劫擄之處南界永安東接平樂獠人所居皆高山昔設華蓋營於此彈壓

平樂府志

卷二十九

界隘

十二

今裁

昭平縣

北陀營縣東南一百三十里北陀山前明萬歷二十八年總督戴輝築城設撫夷同知於此天啟初革其兩旁有鎮夷左右二營

國朝設兵戍守志一統萬歷二十六年平北陀立營恩來里

九衝營在縣東倚山爲險獠獐嘗屯聚於此明萬歷中設營戍守志一統

韋崗營縣東北九十里明萬歷八年土舍黃仲拙築城有兵戍守

雷霹堡在縣北雷霹山窈又藤灣堡在縣東北皆濱江控險怪石狂瀾叛獠依阻其地萬歷中劉平之置堡守禦志云雷霹堡又北二十里卽平樂縣之甌堡

方輿紀要

石仁堡在縣南其相近爲東西二營志云縣有上永藤灣明源江口等村諸獠獠環縣四列而東營西營石仁等堡爲戍守要地

仙迴營縣西北七十里仙迴洞明萬歷十三年黃仲拙築城兼領古眉寨巡司今廢

一統志

五指山巖內空濶能容萬人巖口只一孔可出入四壁陡絕無徑可攀而江水穿流於中足供飲食

昔獠蠻據此屢討無功萬歷四年府江道徐作參將吳京復征之時有屯賊內潰獻計遂得其窟穴破之卽於巖前立堡設兵防守

控府江之中北距桂林南抵蒼梧道里相半層巒疊嶂逆湍騰湃迢遞千有餘里至昭而山愈陡水愈激以上下兩峽爲一邑關鍵艱難險阻爲三江最矣

昭平里南至五將堡北至甌灘東至沙江西至明源崗自桂林迢遞而來入五指山結縣

二五都舊隸富川去鐘山鎮僅二十里

馬江里在龍門灘下支水入馬江東流天門大貢

二山聳其前分別左右界連蒼梧

招賢里元時狗兒巢賊藪也洪武間勦之東西二岸立招賢里隸臨賀萬歷六年割西水入昭平東有狀元山西水口通龍潭出馬江南抵綿嶺北抵珊瑚嶺

文化里柳山爲祖其水自王龍而來天門山其水口也宋名太平鄉立有巡檢後廢

寧化里去縣城二百里與文化里連脉同柳山水滙天門向盡獐蠻今盡農桑

恩來里萬歷二十六年北陀平立恩來里自東葉巢龍鋪下四十餘里忽有一峯突起左九冲右鹽

山至峽口而會於江四圍如巖業如排牙列戟誠要害之地也

上五都縣東一百五十里原屬二五都分而成里者也六七兩排係土著獐獐一二三四五排錯壤雜處至崇禎閒梁相寶陳告三院立戶出里而上五都立焉

見龍里縣北一百三十里民三獐七萬歷三十六年黎天龍爲亂設上龍司立松栢騎龍丁狗鴨公高粱五營分佈堵禦崇禎閒出里爲民

王姜里縣西南一百七十里民少獐多原蒼藤地萬歷四年割入昭平隸馬江東抵蒼梧西南皆嶺

嶺背藤縣界

邑人潘文成曰仙迴里北界接荔浦之南崇山峻嶺勢若摩天至屯洞匯九冲溪流而出去土司營約四十里西北界連永安州之南崗古峯山卽州城後主山也去土司營約十餘里西界至黃泥嶺嶺背名古蘇永安州所轄有路自嶺通州往來可一日西南界永安州之古蘇大官路在六內村後南界古力山古力背爲永安州之偏巢外連昭平之明源崗游魚嶺在桂花冲島仙迴諸水匯此出大河東界府江大河自桂花冲起至大廣黃牛田

冲等處

縣志

五子山於衆山中特出五峯卽五指山地前明時吳中丞府江之役以羅翁爲先聲出其不虞以八五指卽此

永安州

洪武十七年賊首黃日暖作耗攻破立山縣遂廢縣治於古眉峽中設立古眉巡檢司十八年草寇攻毀古眉卽以巡檢印付土官廖以成管理十九年委官黃斷事招撫成化十三年議者以其地處萬山之中心少獠獞多稍失控馭爲患莫測左都御史朱英請斬棘開路改爲永安州去古眉地二十里

北馬鬃嶺隘口與荔浦界

西北平坦堡隘口與修仁縣平南大山界

東南古蘇堡隘口與昭平大山界

以上三處康熙六十年知州劉國棟詳請設兵

九名防禦

其地深廣西阻大山實廣右之腹心猺獞之窟穴

明商輅永
安州治記

屏蔽昭梧控扼蠻夷左界潯灘二江之中為形勝

要地方輿
紀要

平旦鎮在州西南舊志有平坦堡在州西南五十

里疑即平坦之訛一統志立山縣有桂峽平旦葛峩

平樂府志

卷二十九 界隘

十六

利來四鎮九域志

古眉營州南三十里古眉山下州境要害舊置巡

司今廢一統志韓雍征大藤賊令夏正統兵越古眉

雙髻諸山扼其東奔續通考

羣峯營州北羣峯山下明洪武中置羣峯土巡司

於峽口堡北後遷於杜莫寨萬歷中又遷於猫八

堡在今州北五十里一統志

杜莫寨州北七十里猺獞出没處也明萬歷二年

築城置戍自州而西南百四十里為藤縣之五屯

所

佛巢堡在州東

三妹巢在州東北五十里巒嶂稠疊猺獞充斥嘉靖以後漸次掃除惟古皂六崗與修仁山澤相連至爲險阻堡六崗之口則守禦爲易至九屯接斷藤峽素稱獷狎雖已竄伏然附近乃門堡平崗諸處嶺拔山長通府江達三崗皆稱要害五屯所爲州唇齒杜莫砦爲州咽喉尤不可忽也

方輿紀要

馬鬃嶺隘州西北四十里界接修荔萑苻之藪設

兵防禦

金志

古蘇堡隘在州東南接昭平縣界康熙六十年知

州劉國棟請於平坦古蘇諸堡設兵防禦

府志